



Մ Ա Յ Ր Ա Թ Ո Ռ Ո Ւ Մ

Հունվարի 2-ին, կիրակի.—Նոր տարվա առթիվ Մայր տաճարում առաջին ա. պատարագն է մատուցում տ. Նշան քհն. Բեյլերյանը:

Հավարտ ա. պատարագի քարոզում է Մայր տաճարի լուսարարապետ տ. Հայկազուն արքեպ. Աբրահամյանը՝ «Դու, Տէր, զայս ամս ես ի լրումն հասցուցեր» բնաբանով, խորհրդածություններ է կատարում Նոր տարվա առթիվ, և սրտագին քարեմաղթություններով շնորհավորում է Հայոց Հայրապետի, հայ ժողովրդի և միաբանության Ամանորը:

Հավարտ ա. պատարագի, Վեհափառ Հայրապետի հանդիսադրությամբ, կատարվում է հայրապետական մաղթանք:

Ա. պատարագը և եկեղեցական այլ արարողությունները կատարում են հոգևոր անմարանի սաները՝ քարեշնորհ Արարատ սրկ. Գալստյանի ղեկավարությամբ:

Հունվարի 9-ին, կիրակի.—Այսօր Մայր տաճարում ա. պատարագ է մատուցում տ. Հակոբ քհն. Հակոբյանը:

Ա. պատարագին ներկա էր Վեհափառ Հայրապետը:

Հունվարի 13-ին, հինգշաբթի.—Տօն անուանակոչության Տեառն մերոյ Յիսուսի Քրիստոսի.

Մայր տաճարում ա. պատարագ է մատուցում տ. Նշան քհն. Բեյլերյանը: Ա. պատարագի երգեցողությունը կատարում է հոգևոր անմարանի ուսանողությունը:

Հավարտ ա. պատարագի ա. Գալստյանի վանքում, տ. Հայկազուն արքեպիսկոպոսի գերեզմանի վրա, կատարվում է հոգեհանգիստ:

Հունվարի 15-ին, շաբաթ.—Տօն ծննդեան սրբոյն Յովհաննու Կարապետին.

Այսօր Մայր տաճարում ա. պատարագ է մատուցում տ. Հովհաննես քհն. Մարությանը:

Հունվարի 16-ին, կիրակի.—Մայր տաճարում ա. պատարագ է մատուցում տ. Գևորգ վրդ. Սերայդարյանը և քարոզում Հովհաննես Մկրտչի կյանքի և գործունեության մասին:

Հավարտ ա. պատարագի հոգեհանգրստյան պաշտոն է կատարվում Նուպար Կյուպենկյանի հիշատակին՝ Վեհափառ Հայրապետի նախագահությամբ:

Հունվարի 17-ին, երկուշաբթի.—Այսօր հոգևոր ճեմարանում սկսվում են կիսամյա քննությունները, որոնք շարունակվում են մինչև հունվարի 26-ը:

Հունվարի 17-ին, երկուշաբթի.—Այսօր, հին տոմարով ս. Ծննդյան տոների առիթով եկեղեցական տոնակատարություններին մասնակցելու համար, Ռուստով է մեկնում տ. Գևորգ վրդ. Սերայդարյանը, Թբիլիսի՝ Ժիրայր և Կորին սարկավագները, Կիրովաբադ՝ տ. Նշան քհն. Բեյլերյանը և Եղիշե սրկ. Բաղրամյանը, Արմավիր՝ Ծավարշ սարկավագը:

Հունվարի 28-ին, կիրակի.—Բարեկենդան Առաջատրաց պահոց.

Այսօր Մայր տաճարում ս. պատարագ է մատուցում տ. Հակոբ քհն. Հակոբայնը:

Հունվարի 25-ին, երեքշաբթի.—Այսօր Վեներտիկի Մխիթարյան վանքի միաբան հայր Եփրեմ վրդ. Տեր-Ղազարյանը ուխտավորաբար ժամանում է ս. Էջմիածին:

Մայր տաճարում իր ուխտն ու աղոթքը կատարելուց հետո հայր Եփրեմը ներկայանում է Վեհափառ Հայրապետին՝ Նրա օրհնությունը ստանալու:

Հայր Եփրեմ վրդ. Տեր-Ղազարյանը, Վեհափառ Հայրապետի կարգադրությամբ, հոգևոր ճեմարանում կդասավանդի որոշ առարկաներ:

Հունվարի 29-ին, շաբաթ.—Այսօր ուխտավորաբար Մայր Աթոռ ս. Էջմիածին է ժամանում Դամասկոսի հայոց առաջնորդ տ. Կորյուն ծ. վրդ. Մանվելյանը:

Մայր տաճարում իր ուխտն ու աղոթքը կատարելուց հետո տ. Կորյուն ծ. վարդապետը ներկայանում է Վեհափառ Հայրապետին՝ Նրա օրհնությունը ստանալու:

Նույն օրը Մայր Աթոռ է վերադառնում տ. Աղան վրդ. Բալիոզյանը, որը 15 օր առաջ մեկնել էր Երուսաղեմ, ս. Ծննդյան տոների առիթով:

Հունվարի 30-ին, կիրակի.—Այսօր Մայր տաճարում ս. պատարագ է մատուցում տ. Նշան քհն. Բեյլերյանը, իսկ քարոզում է տ. Կորյուն ծ. վրդ. Մանվելյանը՝ «Էջ Միածինն ի Հօրէ և լոյս փառաց ընդ նմա» քնարանով:

